


Exposicion unico den preparacionnan na Aruba



ORANJESTAD (AAN): E siman aki a yega na Instituto di Cultura, materialnan di UNESCO destina pa organiza dos exposicion cu tin metanan cultural na Aruba.

Ta trata aki di e cultura Latino-Americano y Africano. Dos joven academico Arubano, Elvys Tromp y Robert Scharbaay a keda apunta pa e director di Instituto di Cultura pa studia e materialnan pa e exposicionnan y tambe pa hinca esakinan den oro.

Ambos persona tin experianan amplio den coordinacion di exposicion y nan ta specializa riba tereno di cultura.

Asina ta cu ora e temporada di Carnaval caba, pueblo y tur school tin oportunidad pa mira e exposicionnan aki.

Nan lo cuminsa den e di tercer siman di Februari y lo keda exponi pa 4 siman. Despues lo sigui cu e exposicion pa Guyana, mirando e hecho cu ta trata aki di materialnan subsidia pa UNESCO y ta viahando rond

mundo.

Riba e potret por mira trahadornan di e compania di transporte entregando e materialnan na Instituto di Cultura, y mas na man drechi por mira Señorita Celia Thiel, representante di UNESCO na Aruba y meymey por mira Elvys Tromp, kende ta un di e coordinadornan di e exposicion.

Festival di tumba Juvenil

Marcia Croes lo debuta

ORANJESTAD (AAN) Dialuna 28 di Januari lo tin festival di Tumba Juvenil na R.C.A. Club.


Na e festival lo tin un debutante cu ta Marcia Croes cu e cancion "Tumba Bo Kier, Tuma", composicion Marion Maduro y areglo di Franklin

Granadillo.

Marcia ayega di participa den varios festival entre otro, Festilandia, Voz Escolar, OTI Juvenil, Festival di Merenque, festival di Dande.

Na edad relativamente hoben Marcia Croes a cuminsa canta na school cu maestro Haime v.d. Biezen, cu Maybeline Arends cu e coro Tuti Fruti.

Actualmente Marcia ta cantante di Chicas Gaitera y



Dialuna lo e try out den festival di Tumba cu All Stars Band y acompaña pa coro di Chicas Gaiteras.

Compositor di e cancion Marion Maduro a gana e festival aña pasa cu e cancion "Mi Tumba Mester Sera" canta pa Ghislaine Semeler.

Representando SANTA CRUZ



MARYLAINE KOCK
Reina Juvenil
Diahuebs 31 na R.C.A.